

列
朝
詩
集

列朝詩集

甲集前編第六

李翰林祁 一十四首

丁高士鶴年 九十一首

覽七首

李翰林祁

祁字一初茶陵人元統元年進士應奉翰林文字母老就養江南授婺源
州同知遷江淞提舉副提舉母憂解職歸隱居永新山中入國朝力辭徵
辟年七十餘卒一初爲左榜進士第二人其右榜第二則余闕廷心也嘗
爲廷心序青易集自以不得乘一障效死如廷心爲恨又以爲委質事人
不可終負見諸詠王明妃及和王子讓之詩子讓名禮廬陵人亦一初同
年進士元亡累辟不出以鐵拄杖採詩山谷間者也國兵入永新一初被
傷備衣冠僞仆道左總制新安余茂遣人舁歸辟正舍禮之歿而刻其遺
文爲雲易先生集十卷少師文正公東陽一初五世諸孫也弘治中歸茶
陵刻石以表其墓

昭君出塞圖

朔風吹沙天冥冥愁雲壓塞邊風腥胡兒執靡背人立傳道單于令行急
蒙茸狐帽貂鼠裘誰言宮袍淚痕濕漢家恩深幸不早此身終向胡中老
此身倘負漢宮恩殺盡青青原上草

題朱澤民先生畫山水圖

洞庭之南湘水東青山夾夾蟠蒼龍雲陽峯高七十一欲與衡嶽爭爲雄
我家近在雲陽下來往看山如看畫十年塵土走西風每憶雲陽動悲吟
吳中勝士朱隱君筆精墨妙天下聞畫圖畫出湘江木青山上有雲陽雲
雲陽山高湘水綠十年不見勞心目只今看畫似看山萬里瞻情寄鴻鵠
和劉梅南見寄

先生雅趣耽幽癖住近雲山第幾家夜雨暗添原上草春風晴入路旁花
詞嚴自可驅蛟鱷德厚何妨看蝮蛇珍重先生宜壽考故應吾道有光華
和王子讓韵二首

老淚縱橫憶舊京夢中岐路欠分明天涯自信甘流落海內誰堪託死生
短策未容還故里片帆只欲駕滄瀛他年便作芙蓉主慚愧當時石曼卿
城郭人民事非空餘塵土滿征衣君猶有道堪流俗我已無家不念歸

天地晦冥龍去遠江湖寥落雁來稀
極知此後還相憶愁見青山映夕暉

和青原寺長老無詰見寄

毳毼白髮舊儒臣幾見江南物候新
問訊枉煩林下士變衰祗似夢中人
隔簾聽雨常經久倚石看山不厭貧
更欲就依禪榻畔爐香終日澹綢緼

送非空晦之二上人歸青原

青原山氣鬱盤紆去郭連村十里餘
洗鉢木香晨粥後讀書燈爐曉鐘初
晴天小閣收摩訶暖日輕雲護苾芻
願得明年筋力健經尋溪路訪深居

和鍾德恭見寄

江湖風浪日蕭蕭鰕鱗魚鰕亂躑跳
諸葛有才終復漢管寧無計謾依遼
烟消故國川原淨秋入空山草木凋
猶恨歸來相見晚暮雲春樹碧天遙

送吳俊傑歸江東

幕下貔貅十萬人幕中賓客罕同倫
揮戈略陣天回日點燭論兵夜向晨
水木衣冠仍艸艸星源文物故彬彬
知君賸有安邊策定約重來立要津

和前韻答吳孟勤

不是衰翁愛索居只緣多病故人疎
來依陸氏三間屋賸得劉公一紙書

同輩謾推年齒大後生應笑老成迂知心頗有通家子早晚相過意迴殊
和友人見寄

碧天如水暮雲收又見江南一片秋亂後年華多荏苒客中踪跡故淹留
露溼金井桐陰薄月上瑤階竹影脩遙想轅門涼氣早壺漿來往百無憂
和詠海棠韵

名花初發愛輕陰翠袖紅粧漸滿林步人錦帷香徑小醉扶銀燭盡堂深
妖饒喜識春風面零落愁關夜雨心多幸鳳皇池上客爲抽勞思寫清吟

和王子讓二首

萬頃烟波一葉舟更無維楫任飄流此身自合他鄉死爭奈狂狐憶首丘
我逐郊原鹿豕蹤君如鷹隼挾秋風近聞鐵網連山海不信人間有卧龍

丁高士鶴年

鶴年字鶴年西域人也曾祖阿老丁與弟烏馬兒皆巨商元世祖徇地西
土軍餉不繼杖策軍門盡以其貲歸焉數從征下西北諸國論功年老不
願仕特賜田宅畱京奉朝請而烏馬兒累官甘肅行中書左丞父職馬祿
丁以世蔭爲武昌縣達魯花赤有惠政解官後畱葬焉壬辰歲年十八淮

兵襲武昌奉母走鎮江餘十載姑歿鹽酪不入口者五年淞西兵未息避地越江上又徙四明行臺省辟薦交至皆不就方氏據浙東深忌色目人鶴年轉徙逃匿旅食海鄉爲童子師或寄居僧舍賣藥以自給嘗有句云行踪不逐梟東徙心事惟隨雁北飛識者憐之戴良作高士傳以申屠蟠儼之越十載告牒還武昌生母馮阻絕病死瘞東邨廢宅中慟哭行水邊其母以告啗血沁骨歛而葬焉烏斯道作丁孝子傳與柳子厚志趙來章事絕相類鶴年自以家世仕元不忘故國庚申北遁後飲泣賦詩猶有宜光綸旅之望戴良序其詩以爲一篇一句皆寓憂君愛國之心讀之不知涕泗之橫流也晚年屏絕酒肉學浮屠法廬于父墓以終其身永樂中卒楚昭莊二王咸敬禮之止統中憲王命紀善管延校刻其遺文行世

贈相者姜奉先宋忠臣姜才之孫○以下江潮避地時作

德祐忠臣好孫子爛爛目光巖電紫人間富貴等浮雲瑣瑣何須掛唇齒
滄瀕險蜀道難曳裾
蜀人多厚顏
畱取乾坤雙老眼
夕陽牛背看青山

汨汨

汨汨在塵埃
羈懷不暫開
病將顏玉去
愁送鬢絲來
招隱櫺高蹈
扶顛乏

大才行藏成兩失回首有餘哀

送四兄往杭後寄

臨別強言笑獨歸情轉哀離魂悽欲斷孤抱鬱難開太守堤邊柳徵君宅畔梅過逢如見憶煩寄一枝來

春日海村三首

地僻驚塵遠人稀習俗淳花時恒獨往隨意踏晴春斑竹過頭杖烏紗折角巾蕭然多古意何愧葛天民

門巷絕輪蹄春深綠草齊風光不相負泉石且幽棲樵屨通花氣移床避燕泥時時得佳句自向竹間題

每恨韶華晚仍嗟老病催閉門花落盡隱几鳥飛回引睡書千卷消愁酒一杯平生志士氣此日已成灰

寄西湖林一貞先生

錦繡湖山世絕稀東風不放賞心違芙蓉楊柳臨清淺佛剎僊宮繞翠微畫舫載春天上坐紫驄馱醉月中歸高情獨有林和靖門掩晴空看鶴飛

海集

海上巢居海若降三山
眼底小如缸已攀若木爲華表
更立轉桑作翠幢
蛟室夜光晴燭戶
蜃樓秋影冷涵窻
鵲鵲夢斷無因到
唯有同棲鶴一雙
送人歸故園

故園休道已休兵
客裏那堪送客行
老去別懷殊作惡
亂餘歸計倍關情
孤村月落羣雞叫
絕塞天清一雁橫
到日所親如見問
浪遊江海負平生
異鄉清明

十年瀕洞家何在
萬里清明客未歸
雨倦風僂花亂落
泥融水暖燕交飛
烟生榆柳推遷速
雲鎖松楸拜掃遲
旅雁盡回音信斷
側身長望淚頻揮
長江萬里圖

將歸武昌自賦二首

長江千萬里
何處是儂鄉
忽見晴川樹
依稀認漢陽
長嘯還江國
遲回別海鄉
春潮如有意
相送過潯陽

題落花芳艸白頭翁

艸長連朝雨
花殘一夜風
青春畱不住
啼殺白頭翁

題梅花扇面寄五十僉憲

憶向西湖踏早春
萬花如玉月如銀
一枝照影臨清淺
滿面冰霜似故人

題林泉野趣圖

清江白石帶疎林樊口幽居尚可尋夢裏艸堂無恙在秋風春雨總關心

歲晏百憂集

二首○以下海濱避亂時作

歲晏百憂集獨坐彈鳴琴琴聲久不諧何以怡我心拂衣出門去荆棘當道深還歸茅屋底抱膝梁父吟

歲晏百憂集擊節發商歌商歌未終調淚下如懸河故鄉渺何許北斗南嵯峨有家不可歸無家將奈何

逃禪室述懷十六韻

出處兩茫然低徊每自憐本無經國術仍乏買山錢故邑三千里他鄉二十年力微歸計杳身遠客心懸桃李誰家樹禾麻傍舍田鶉衣秋屢結蝸室歲頻遷逝水終難復寒灰更不然久要成組紕多病復沉綿俯仰衷情倦棲遲野性便延徐誰下榻訪戴獨回船恥酒窮途泣聞修淨土緣談玄分上下味道悉中邊有相皆虛妄無才幸苟全棲雲同白鹿飲露效玄蟬高蹈慚真隱狂歌媿昔賢惟餘空念在山寺日逃禪

客懷

此生何坎壈終歲客他鄉病骨經秋早
愁心識夜長文章非豹隱韜略豈
鷹揚磨滅餘方寸還同百鍊剛

病衰

病骨秋增痛衰容日減華臉霞憐竹葉
鬢雪妬菱花往事嗟何及歸程望
轉賒少年歌舞地此日屬誰家

自詠十律

長淮橫潰禍非輕坐見中流砥柱傾
太守九江先效死諸公四海尚偷生
風雲意氣慚豪傑雨露恩榮負聖明
一望神州一搔首天南天北若爲情
腐儒避地海東偏鳳曆頒春下九天
再拜帝堯新正朔永懷神禹舊山川
廟堂久託君臣契藩閫兼操將相權
只在忠良勤劄戴萬方行覩至元年
一夜西風到海濱樓船東出海揚塵
慚黃歇三千客死慕田橫五百人
紀歲自應書甲子朝元誰共守庚申
悲歌撫罷龍泉劍獨立蒼冥望北辰
羲軒道德久荒唐蕩蕩宏圖起世皇
天入清都逾廣大日臨化國倍舒長
渥洼萬里來騏驎阿閣千年下鳳凰
聖子神孫承寶祚長令億兆樂時康
堂堂至正最多材萬國同文壽域開
漠北諸生登第去越南計吏進賢來

鳳韶九奏黃金殿鶴駕三朝白玉臺回首黃塵揚碧海五雲無處覓蓬萊
金銀宮闕五雲鄉曾見羣仙奉玉皇濟濟夔龍興禮樂桓桓方虎靖封疆
自淪碣石滄溟底誰索玄珠赤水旁獨有遺民負悲憤草間忍死待宣光
千官何處扈宸遊回首風塵徧九州黃竹雪深迷玉輦蒼梧雲斷見珠丘
令威不盡去家怨精衛豈勝填海愁大禹崩牀天所眷肯教綸邑久淹留
六軍遙駐黑河濱故國丘墟詎忍聞露冷金銅應獨泣火炎玉石竟俱焚
虞淵日暮無還景禹穴秋深有斷雲草澤遺民今白髮憑高無奈思紛紛
皇天輔德本無親興復寧論地與民綸有一成終祀夏楚雖三戶竟亡秦
昆蟲戚被生成德草木猶懷化育仁洪運未移神器在周宣漢武果何人
九鼎神州竟陸沉偷生江海復山林頻繁誰在隆中顧憔悴惟餘澤畔吟
啣雪心危天日遠看雲淚盡歲時深百年家國無窮事可得忘機老漢陰

故宮人

粉愁香怨不勝情強整殘粧對老兵別殿金蓮餘故步後庭玉樹變新聲
眼穿雁字雲連塞夢斷羊車月滿城天上桃開王母去世人誰識許飛瓊

別帽

雲樣飄蕭月樣團百年雄麗壓南冠黃金綴頂橫文羽白璧垂纓間木難
刺繡尙期平敵壘簪花曾夢舞仙壇一從吹墮西風裏誰念蒙塵白髮寒

元夕

燈火樓臺錦繡筵誰家簫鼓夜喧闌光移旦斗天逾近影倒山河月正圓
金鎖開關明似畫銅壺傳漏迥如年五雲不奏霓裳曲空使揚州望眼穿
雪後泛東湖

雪後湖山玉作圍小舟乘興弄清輝貪看月裏鷺回舞不覺風前鷁退飛
雲母屏空春閒寂水晶宮冷晚霏微仙家一笑乾坤老誰馭瑤池八駿歸

題鳳浦方氏梧竹軒

鳴鳥曾聞此地過至今梧竹滿丘阿政懷剪葉書周史却恨翻枝入楚歌
金井月明秋影薄石壇風細晚涼多中郎去後知音少共負奇才奈老何
存齋詩話云時作者已滿卷此詩一出皆爲欽和

暮春感懷二首

杜宇聲聲喚客愁故園何處此登樓落花飛絮成春夢剩水殘山異昔遊
歌扇多情明月在舞衣無跡綵雲收東皇去後韶華盡老圃寒香別有秋

四十無聞懶慢身放情丘壑任天真悠悠往事杯中物赫赫時名扇外塵
知策看雲松寺晚疎簾聽雨草堂春山花水鳥皆知已百遍相過不厭頻

奉寄王宜慰兼呈九靈先生

別館新成足宴遊珊瑚環珮總名流獨推南郭爲高士共識東陵是故侯
天上鸞花三月夢人間春雨五更愁行藏盡付浮雲外爛醉豐年黍稷秋

奉寄九靈先生二首○先生嘗爲予作傳

挾海懷山謁紫宸擬將忠孝報君親忽從華表聞遼鶴却抱遺經泣魯麟
喪亂行藏心似鐵蹉跎勳業鬢如銀萬言椽筆今無用閒向林泉紀逸民
花柳村村接海濱携家隨處避風塵衣冠栗里猶存晉雞犬桃源久絕秦
對坐青山渾不厭忘機白鳥自相親也知出處關時運豈但逃名效隱淪

寄定海故將軍邵公輔

往事浮雲杳莫攀壯懷未展鬢先斑不聞奉使通銀漢空見將軍老玉關
故壘荒涼千騎盡滄溟浩蕩一鷗閒風塵隨處嚴訶止愁殺田間野獵還

逃禪室與蘇伊舉話舊有感

不學楊雄事草玄且隨蘇晉暫逃禪無錫可卓香巖地有柱難擎拄國天

謾詫丹霞燒木佛誰憐清露泣銅僊茫茫東海皆魚鼈何處堪容魯仲連
寄餘姚滑伯仁先生

獨木橋邊薛荔門全家移住水雲村猿聲專夜丹山靜蜃氣橫秋碧海昏
詩卷自書新甲子藥壺別貯小乾坤陶漁耕稼遺風在差勝桃源長子孫
寄餘姚宋無逸先生

龍泉城外絕驚喧寄傲全勝在漆園獨對江山懷舜禹每憑風月問劉樊
曾姚有舜江夏山漢劉使君樊夫人仙跡行窩醺酒花圍席野寺題詩竹
滿軒回首崑岡空劫火深期什襲保瓊瑤

雨中寄楊彥常先生

山中長夏苦淫雨暫爾出門還不能九天馭日力已竭兩地看雲愁倍增
憐君畏途久作客笑我淨土常依僧相思倚柱發清笑旁人不解谷空磨
題太守兄遺藁後太守兄死事之明年于篋中得遺詩一卷伏讀
之次不知涕泗之橫流也敬題一詩千後以紀哀思云

海國期年政化成肩輿隨處看春畊正欣雞犬無驚擾詎意鯨鯢有鬪爭
遙島月明虛燕寢故山雲冷失佳城夢回佳句難重得腸斷池塘草又生

不列朝詩集甲前六

七

題昌國普陀寺二首○寺在寧波府東南海島間卽昌國州之故

墟也

神鷲屹立戴崔嵬俯瞰滄溟水一杯積翠自天開
菴書布金隨地起樓臺祈靈漢使乘槎到傳法梁僧折葦來
若使祖龍知勝槩豈應驅石訪蓬萊

昆明劫火忽重然宇內名山悉變遷古刹獨存龍伯國
豐碑猶記兜兒年三更日浴咸池水八月潮吞渤海天
雲漢靈槎如可御便應長往問羣仙

題東湖青山寺古鼎銘長老鍾秀閣

手開樓閣貯羣經面對湖山衛百靈玉鏡夜寒通沆瀣
翠屏秋淨倒空青避烟鶴起簷間樹行雨龍歸几上瓶
我亦逃禪雲水客便應蕭散共松扃

寓奉化寺寄菩提寺主

菩提嶺外空王寺丹磴行穿虎豹羣萬壑濤聲岩下瀑
千峯雨氣屋頭雲海龍送水金瓶貯天女懷香寶鼎焚
慚愧無緣塵土客朝朝鍾鼓下方聞

奉寄恕中韞禪師

曾向名山識異人心如木石氣如春坐禪霜葉秋埋膝
行道天花日繞身有鉢相傳元是幻無錐可着本非貧
惟餘潭底中秋月對寫龍峯面目真

明窗龍峯傳燈

悼湖心寺壁東文上人

祇林一葉隕秋霜回首滄洲淚兩行
几上殘經塵已暗篋中遺稿墨猶香
雲迷圓澤三生石月冷維摩十笏房
想像清容何處記寒梅的的竹蒼蒼

山居詩二首呈諸道侶

日日看山眼倍明更無一事可關情
掃開積雪巖前走領取閒雲隴上行
不共羽人談太易懶從衲子話無生
剗然時發蘇門嘯遙答風聲及水聲
懶散形骸不自持黃冠聊束髮邊絲
頻來猿鶴渾相識久混龍蛇竟不知
養拙最宜情澹泊全生深藉德支離
看雲本自忘飢渴況有水泉與石芝

逃禪室解嘲

久慕陶公卧北牕還從馬祖吸西江
掃愁那用千金帚折慢惟瞻七寶幢
月晏捲簾延疊嶂雨晴欹枕聽流淙
周妻何肉俱無累祇有詩魔老未降
夜宿染上人溪舍

雲去禪關戶隔空清溪碧樹有無中
倒涵天影魚吞月逆戰秋聲犬吠風
見性本圖先作佛勞形翻愧早成翁
杜陵老去歸無計來往那辭惱贊公

兀兀

數莖白髮鏡中新兀兀窮年愧此身萬里雲霄雙倦羽千尋江漢一窮鱗
望鄉薄暮憑西日去國中宵禮北辰客路漸遙身漸老此生何以報君親
勞勞

閭闔排雲事已休勞勞猶恥爲身謀數莖白髮未爲老一寸丹心都是愁
燕代地高山北峙荆揚天關水東流英雄已去空形勝劍氣中宵射斗牛
兵後還武昌二首

避亂移家大海隈楚雲湘月首頻回歸期實候王孫草遠信虛憑驛使梅
天地無情時屢改江山有待我重來白頭哀怨知多少欲賦慙無庾信才
亂定還家兩鬢蒼物情人事總堪傷西風古塚遊狐兔落日荒郊臥虎狼
五柳久非陶令宅百花今豈杜陵莊舊遊回首都成夢獨數殘更坐夜長
過九江追悼李子威太守

無香遙拜九江城太守精神日月明叔姪並歸忠義傳江山不盡古今情
潮回湓浦聲猶怒雲起爐峯氣未平生死總魁天下士丈夫端不負科名
過安慶追悼余文貞公

將軍匹馬入舒城，擊賊頻煩訓義兵。孝以保家忠殉國，聚而出戰散歸耕。
圍倖月暈全無隙，捷振天威大有聲。游說飛書徒間諜，輸誠伏節愈堅貞。
雲梯屢却妖氛豁，露布交馳殺氣平。千里荆揚憑保障，七年淮海賴澄清。
山深猱獠殲還出，江闊鯨鯢斬更橫。外援內儲俱斷絕，裹瘡飲血獨支撐。
天昏苦霧埋營壘，日落陰風卷旆旌。甘與張巡爲癘鬼，肯同王衍快蒼生。
三千將士皆同死，百二山河亦繼傾。靜對風霆思號令，遙從箕尾識精誠。
頌碑不愧詞臣色，哀詔偏傷聖主情。願爲執鞭生不遂，臨風三酹重沾纓。

上明州太守茶子俊

選武昌遷葬告牒而作

漢江東抱楚山流，先壠猶餘土一抔。冷祠鄉耆舊，逝田荒栗里子孫愁。
兵戈隔夢三千里，霜露傷心二十秋。荒陲天寒烏鳥下，空林日落白狐遊。
碑焚斷石經時變，盤出遺金有夜偷。過客尙知來下馬，僊翁誰復指眠牛。
擬從樊口遷京口，遙別沙頭下石頭。高士東歸思致奠，故人惠麥久維舟。
已知多病垂垂老，敢爲長貧故故留。爲政幸逢宗正恕，申請常念子平憂。
劬勞罔報生何益，存歿沾恩死必酬。願及清明三月節，一盂麥飯洒松楸。

題天柱山圖

拔翠五雲中擎天不計功誰能凌絕頂看取日升東

畫蟬

微露身何潔吟風韻更長斜陽千萬樹無處避螳螂

敬書宸翰後

神龍歸卧北溟波愁絕陰山勅勒歌惟有遺珠光奪日萬年閒待照山河
此云宸翰蓋指庚申君手跡也

題茆郎天馬圖

春明立仗氣如山顧盼俄空十二閑一去瑤池消息斷西風吹影落人間

暮春二首

楊花榆莢攪晴空上界春歸下界同蜂蝶紛紛竟何在獨留杜宇心殘紅
一夕春歸變九垓千紅萬紫盡塵埃韶光淑氣逡巡退暑雨炎風熾熾來

題畫

江樹青紅江草黃好山不斷楚天長雲中樓觀無人住只有秋聲送夕陽

題萬歲山玩月圖

金銀樓觀鬱嵯峨琪樹風涼秋漸多徙倚危欄倍惆悵月中猶見舊山河

題畫葡萄

故人毛楚哲作

西域葡萄事已非，故人揮灑出天機。碧雲涼冷驪龍睡，拾得遺珠月下歸。

梧桐

井梧徹夜下霜風，錦繡闌林瞬息空。老盡秋容何足惜，鳳巢吹墮月明中。

聞簫

給喪未必無周勃，乞食誰能辨伍員。昨日英雄今日恨，洞簫忍向亂中聞。

聞雁

月落江城轉四更，旅魂和夢到灤京。醒來獨背寒燈坐，風送長空雁幾聲。

寄武昌南山白雲老人

姓衛字均執，先人時故舊，家居未嘗入城。

市聞鶴年辛苦遠還，遺子弟問遺不絕。鶴年足疾，日劇弗克往。

拜床下，謹奉拙詩，少致謝忱云。

故人家住南山下，心與白雲共瀟灑。芝草遙賡黃綺歌，蓮花近入宗雷社。嗟予江海避風塵，白首歸來失所親。青眼相看如昔日，只有南山與故人。

戲贈劉雲翁

千金不惜買新聲，贏得風流老更成。銀甕葡萄浮臘蟻，金屏窈窕嚙春鶯。

香凝宴寢頻開席花暗開房合度笙夜燕未終賓客醉莫將明燭照華纓

長江萬里圖

右逾越嶺左蓬壺萬里提封入壯圖斷石雲屯山擁蜀驚濤雪立海吞吳
蟠桃有實來青鳥若木無枝駐赤烏秦漢經營人盡去獨留形勝在寰區

戲贈應修吉

硯溪居士神仙侶短髮蕭蕭雪滿簪暖老恨無燕趙玉養生賴有坎離金
床頭酒熟留僧飲席上詩成對客吟歲晚山空誰是伴北牕梅月最知心

錢塘懷古

錢塘佳麗冠南州故國繁華逐水流龍虎已消王霸氣江山空鎖古今愁
吳臣廟冷潮喧夜宋主陵荒塔倚秋最是西湖歌舞地數聲漁笛散鳬鷗

重到西湖

湧金風月昔追歡一旦狂歌變永歎錦繡湖山兵氣合金銀樓閣劫灰寒
雪晴林野梅何在霜冷蘇堤柳自殘欲買畫船尋舊約荒煙野水浩漫漫

樊口隱居

爲武昌李均玉作

萬里雲霄斂翼回掛冠高卧大江隈春深門巷先生柳雪後園林處士梅

翠擁樊山邀杖屨。綠浮漢水耿鐘鼎。誰能領取坡仙鶴。月下吹簫共往來。

題唐申王三駿圖

三駿英英出渥洼。太平芻粟飽天家。誰知百戰平河北。汗血功歸獅子花。

戲題明皇照夜白圖

天上麒麟天下稀。月中幾送入娥歸。君王寓目應追悔。悵看乘鸞度羽衣。

送蔡用嚴還四明

四明故舊苦無多。死別生離奈若何。老淚暗添江漢水。隨人去作海東波。

水仙花二首

湘雲冉冉月依依。翠袖霓裳作隊歸。怪底香風吹不斷。水晶宮裏宴江妃。

影娥池上晚涼多。羅襪生塵水不波。一夜碧雲凝作夢。醒來無奈月明何。

竹枝詞二首

竹雞啼處一聲聲。山雨來時郎欲行。蜀天恰似離人眼。十日都無一日晴。

水上摘蓮青滴滴。泥中採藕白纖纖。却笑同根不同味。蓮心清苦藕芽甜。

集外詩三首

次小孤山

峽束千雷怒擊撞危峯屹立壓驚瀧山聯廬霍朝三楚水落荆揚限九江
鎮海重關當第一擎天孤柱故無雙珮環月夜知何處露濕蓬萊玉女窻
題風雨歸舟圖

昔向滄浪吊獨醒中流風雨正揚舲江空風捲潮頭白野曠雲迷峴首青
挂席正思遺珮浦推篷已過濯纓亭襄陽耆舊今安在撫几長歌對畫屏
奉次虞侍講先生見貽韻

玉堂棄賦若浮雲無奈雞林遠購文推轂近聞推漢士避名寧計却秦軍
芝亭花發春醪熟鴻閣詩成夕磬聞一飯未嘗忘北闕鼓琴誰識和南薰
太學生戴習錄其師鶴年先生詩曰海巢集者請題其後鶴年子友也
其詩忠義慷慨有騷雅之遺意焉昔唐之僧有讀其友盧仝之詩者曰
鯨吞海水盡露出珊瑚枝海神知貴不知價畱與人間光照夜吾讀海
巢集亦云虎丘澹居老人至仁書

吉雅謨丁鶴年之從兄字元德至正間進士任洞東僉都元帥
贈陳章甫

三十年前鬢未蒼曾陪宰相入鴈行解衣換酒尋常醉躍馬看花取次忙

亂後已非前日夢老來那復少年狂黃冠野服好粧束穩坐長竿釣海鄉
鶴年弟盡棄統綸故習清心學道特遺楮帳資其淡泊之好仍仿
以詩

誰搗霜藤萬杵勻製成鶴帳隔塵氛香生蘆絮秋將老夢熟梅花夜未分
枕上不迷巫峽雨床頭常對剡溪雲竹爐松火茶煙緩一段清真盡屬君
游定水寺寄杜舜臣

水紋藤簾竹方牀山閣重陰雨後涼新月梧桐秋已老碧梧機杆夜初長
白魚入饌松醪熟紅稻供炊笋脯香雲樹芝泉隨處好一時清賞肯相忘
愛理沙鶴年之次兄字允中至正間進士仕翰林應奉

題九靈山房圖

戴叔能讀書處時避地明州

夢裏家山十載遲丹青只尺是耶非墨池新水春還滿書閣浮雲晚更飛
張翰見幾先引去管寧避亂久忘歸人生若解幽棲意處處林丘有蕨薇
題鍾秀閣為東湖古鼎翁長老作

檻外澄湖平不流窻間疊翠屹將浮烟霞五色錦屏曉風月雙清瑤鏡秋
落葡萄濃香吹法席芙蓉涼影蕩仙舟結巢擬傍雲林住回首朝簪愧未投

附見吳惟善鶴年表兄樊川人

寄武昌諸友

黃鶴山前漢水濱一時英俊總能文
金釵佐酒年俱少銀燭鈔書夜每分
雁杳魚沉勞遠思狼貪羊狠絕前聞
兵戈故國知誰在目斷西南日暮雲

寄東海鶴年賢弟

鶴阜東望接三山海上海上羣仙口
扣關虎守月爐丹煉就龍吟霜匣劍飛還
故園松菊餘三迤老屋烟霞恰半間
爲問林泉逃世者如公今有幾人閒

列朝詩集

甲集前編第六

列朝詩集

甲集前編第六

李翰林別

同豫彥能遊山卷

綠崖涉清此披州得幽徑蕭條幾會間敢立一松勁入門聽微鐘心垢一時淨向來飽干戈棟宇兀偏正空庭烏雀喧壞壁龍蛇瞑徒能起咨嗟無從聳觀敬三嘆復出門乾坤幾時定

題王與齡畦樂

有客依南浦長年學種畦才高宜世用性僻愛幽栖兼甲從腰長桑枝刺眼低不因來往熟那得自成蹊

題梅坡

迢遞城東路梅花迤漫坡步隨山雪偏興入野雲多顧影頭常側憐香手屢接爲君題作畫短句不成歌

和王子讓席上韻

衰年愁對酒壯志憶題橋遇事難開口逢人愧折腰樂傳天上譜心逐算

婦人安胎歌
跌跏又一朝

為章言身月下

列朝詩集

甲集前編第六

舒學正頤

頤字道原緒溪人父弘字彥洪號白雲先生道原年十五六與同郡朱允升鄭子美程以文講明經史之學比壯授業于姑孰李青山陶子敬濟元叔皆為同舍生至元丁丑辟池陽貴池教諭秩滿調丹徒校官館于平章泰元之門至正庚寅轉台州學正時艱不仕奉親攜書歸遁山中嘗與其弟道遊與親避寇岩谷彼勝概道原正色叱賊砍之弟兄執手爭死賊感而釋之歲丁酉衛國公定徵邵交阜禮聘高臥北山之陽以疾辭不出洪武丁巳考終于家年七十有四白雲唐仲實曰公之為詩盤桓蒼古不貴纖巧纖絳之習字亦不候周識者曰宗漢隸非八法也道原辟召之後名其齋曰貞素學者曰貞素先生有華陽貞素齋集七卷嘗有詩曰湖海半生客乾坤一布衣善哉周伯叔飽食首陽薇其寄託如此

白槿花

素質不自媚開花向秋前
澹然超羣芳不與春爭妍
涼夜弄清影綳衣照

列女傳卷之六
嬋娟佳人分寂
離紙自憐鮮
鮮碧雲樹皎皎
萬玉懸朝開
暮遺落物
理乃自然
咄彼野木徒尔全
天年

立春

三陽肇開
一氣回新
和百卉已萌
苗光風扇
暗波田疇入
鉅壘城郭仍
千戈而我抱
愁鬱居焉
萬山阿忘言
今古事扣角
時悲歌治亂
關氣化世
情今如何
悠然出山去
天濶浮雲多

春陰

昏昏霧隱
山羅綠雲弄
水造化如如
春又醺明日
雨濤芳未可
期息
乃所喜花淚
愁闌干柳眼
眠未起昔日
繁華衢茲焉
變荒址將何
測陰陽默
默數甲子

次王和夫避世八都

生平性放曠
處世常澹然
但恐學未至
讀書究其玄
時經喪亂際
向慕心益堅
仰瞻高飛鴻
翔翔入雲烟
云何雜燕雀
下與雞鷄連
避誘去城市
尋幽適林泉
流涕雨歇坐
石春風顛
徒抱心耿耿
復憂腹便便
王君我畏友
時寄五色
神思泣老筆
風塵走長篇
文章古所貴
道義今誰傳
將謂

禮部盛選歷千七年六經既掃地一物安得全籍甚右軍壽榮讓計却先
依山更帶水問舍仍求田花下鹿濯濯雲門鶴翩翩情懷渺何許風月渾
無尋尋酒何時會醉餐雲錦箋

七佛庵三十韵

春色如多情陰雲貸遊驅登臨不憚勞踣躄轉山谷石磴危欲欲梯身進
恐畏松風響瀟瀟星花露滴巾幅鑿鑿石齒連盤盤山脊伏初疑路不通似
覺地可縮小憇林木深大觀天地有曠胸凌八荒舉手決四瀆歲暮歷險
艱時危事幽獨情深山水佳興遣杖屨復七佛庵先登一人泉可掬苦將
寂滅心受此清淨福塵世徒喧嗽山門遠榮辱艱難慨諸僧落木栖老屋
江水清入懷淮山翠凝目花陰覆層簷鳥語隔幽竹藉首憺憺翻升階路
徑熟禪心絮沾泥世味螭煮粥軍政助嚴明民風慕清穆既興揚朱悲復
動買生哭再上講經堂仍偃御鳳服凭高氣層層眺遠山磊磊石眼松終
根崖腰樹飛瀑一泓照猿臂兩地映蘭菊骨蛇超塵寰性空悟機軸無心
雲自飛得趣景何倏綠樹啼白猿青莎臥黃犢川原豁而開麻麥蔚以茂
遊展風日和行徑花艸馥冥冥鶴歸來長笑下山麓

山莊雜詠

繞屋陰陰樹通池細細流
昔來故舊飛夢上神州
百兩婦朝士千金買
墜樓知幾誰氏子一笑過林丘

戴氏樓居次韻

山環水繞居之安
圖畫森列宜晚看
翠幙低垂爽氣肅
銀燈高照書聲寒
世情頗覺眼界窄
酒量不博詩腸寬
湖海半生今白髮
掀髯一笑倚朱闌

揚州

明月昔春樓名

仙人已騎白鶴去
倦客漫逐紅塵來
人間又見梧葉落
觀裏無復瓊花開
明月昔春罷歌舞
王宮相府俱塵埃
江山如此豪華歇
千古豈不令人哀

九日飲姪女家

菊花杯泛茱萸酒
楊柳村沽石鏡山
門掩黃雲千百頃
溪藏紅葉兩三灣
歡然自覺情難盡
醉後都忘夜易闌
細雨斜風休作惡
歲寒心事正相關

次韻集是夫西山園飲

西山蒼翠誰家園
竹樹縱橫何森然
置酒邀我坐林下
高歌握手行花前
偶然得句不在巧
相勸爛醉仍烹鮮
世事人情都莫問
百年過去知誰賢

涇川道中

青山雨後白雲生，雲氣參差艸樹清。
明月山山雲弄影，清風吹水樹含聲。
人家屋角驚龍吠，官路橋頭去馬鳴。
天下之間吾亦客，還將老眼望升平。

平林烟雨

時人買画千金傳，一片景物真天然。
四時不用舒展看，翠嬌綠潤當窗前。
春三漠漠護暖雨，秋九慘慘啼蒼烟。
槎牙古怪雲霧暗，屈蟠偃蹇蛟龍纏。
初見疑是李將軍，又似水墨王輞川。
米家無根與膝腫，安得活動全吾天。
明朝雨晴烟就斂，便欲設榻林間眠。
請迴谷口俗士駕，幸勿驚我雙胎仙。

有懷諸公

龍騰出沒黃田蕩，龍虎盤踞白下城。
才俊滿前勞顧問，愚蒙在下與昇平。
波濤江漢暫時險，烟霧乾坤有日清。
文士負才徒倚馬，武夫挾勇恆談兵。
朝廷安用生疑慮，田野何由覩聖明。
微露每愁東日上，柳雲猶帶北風橫。
群公退食方云喜，數子馳心尚慕榮。
澤國暮春觀撲撲，江湖深夜炯攢攢。
鄉村落落真堪歎，冠冕幾幾未足驚。
黃犬東門憐往事，白頭南土憶端耕。

適耕堂

周鼎無云極似日

芙蓉嶺下中平村中有祝氏居其源文公外家道義門積善好禮枝葉蕃
承冠濟楚信行棹築室元燥依山根適耕大業把酒存挂經扶耒窮朝昏
以適爲樂遺子孫浮雲富貴安足論荒烟衰艸金谷園雲關霧谷截來懷
烟蓑雨笠遠市諠肯堂有子班荒墟山川瑞氣藏渾淪文光五采朝吐吞
月明清夜啼黃媛不羨變化南溟鯢不貪爵祿何負恩春闈秋翰芬幽軒
客至談笑開清尊任彼輕薄手覆卮退處寧學燕觸藩女及笄嫁男已婚
俯仰無愧乾與坤醉眠老腹摩朝嗽至樂百世垂後昆

胡子坑 周大卿

兩儀未判朕不平巨凸突兀潛幽靈毓秀朵奇挺峭拔攢峰列壑爭伶俜
枯槎著巖半身碧老石迸土千螺青天淨森鏦列畫戟雲開大嶂橫青屏
臨深架木側足度飛瀑洒面洗耳聽已有仙人浴丹室寧無烈士磨厓銘
玄媛不驚嶺寂寂白雀下舞花冥冥便欲臨風蛻凡骨來茲絕粒餐仙苓
尚聞好事雞荒穢直上絕頂栽新亭茗盃先春煮碧澗蓬窗醺醺認銀瓶
素衣何必待三聘白首尚可窮一經空谷時聞尚書屢疎林夜仰處土星
時乖狼虎集妖孽地闊魑魅行其形避世何煩慕清致憂時且復逃臆腥

鄙哉時俗自污濁喜甚澗谷長清冷桓恐愚公易輕徙玉皇敕命守六丁

許子仁相招山中叙話

許君邀我來山中我來但見堂戶空主人送客迥溪去風吹兩岸花濛濛
屋後萬疊金芙蓉紫氣夜吐仙人宮澗泉流香過白鹿林木挂雨拖青虹
我君築室讀其下超遙不與世俗通一聲黃鳥破幽夢四顧空闕俱玲瓏
我愛此地無暑氣重來飽飯談仙蹤

懷京口

我昔游北固飄飄紫霞裾手招雲中君嘯傲驚天衢一別回塵寰於今五
載餘緬懷城中朱紫客朝臺暮省相催迫東華駟使傳宣來喜遭諸公薦
秋色偶遭禍亂居山中衣冠面目塵土蒙儒坑選冷難得調兀兀且作經
年窮不知故人念我否詩成遠寄南飛鴻

過牛伏嶺

牛伏嶺高高且遠崎嶇羊腸路百轉仲冬跋涉汗流漿每歎時危歷艱險
陰厓慘慘生悲風極目四顧山巖崕人生能着幾兩屐踪跡不與無根蓬
我家屈山南別業寄山北群兇勢縱橫往返苦行役山中天氣溫如春絕

壁遙見梅花新梅花年年見春色不見多少行人

列朝詩集

甲集前編卷第七

鐵厓先生楊維禎一百二十四首

張員外昱六十一首

鐵厓先生楊維禎

維禎字廉夫會稽人泰定丁卯用春秋擢進士第署天台尹改錢清場鹽
司令狷直忤物十年不調久之陞江西等處儒學提舉未上會兵亂避地
富春山徙錢塘張士誠累招之不往又忤達識丞相自蘇徙松築玄圃蓬
臺于松江之上海內薦紳大夫與東南才俊之士造門納屣殆無虛日酒
酣以往筆墨橫飛鉛粉狼籍或戴華陽巾披鶴氅坐船屋上吹鐵笛作梅
花弄或呼侍兒歌白雪之辭自倚鳳琶和之賓客皆踟躕起舞以爲神仙
中人也洪武二年召諸儒纂脩禮樂書上以前朝老文學思一見之遣
翰林詹同文奉幣詣門謝使者曰豈有八十歲老婦就木不遠而再理嫁
者耶明年又遣松江別駕追趣賦老客婦詞一首進御曰皇帝竭吾之能
不強吾所不能則可否則有蹈海死耳上允之賜安車詣闕廷問百有

一十日禮文畢史統定卽以白衣乞骸骨上成其志仍給安車還山史館
胃監之士祖帳西門外抵家而卒疾亟撰歸全堂記頃刻而就曰九華伯
潘君迎我擲筆而逝庚戌之五月也年七十五所著書凡數百卷具在宋
太史墓誌中張伯雨序其樂府曰三百篇而下不失比興之旨惟古樂府
爲近代善用吳才老韻書以古語駕御之李季和楊廉夫遂稱作者廉
夫又縱橫其間上法漢魏而出入于少陵二李之間所作古樂府辭隱然
有曠世金石聲又時出龍鬼神以眩蕩一世之耳目斯亦奇矣余觀廉
夫問學淵博才力橫軼掉鞅詞壇牢籠當代古樂府其所自負以爲前無
古人徵諸勾曲良非夸大以其詩體言之老蒼稟兀取道少陵未見脫換
之工竊恥娟麗希風長吉未免刻畫之誚承學之徒流傳公製槎牙鉤棘
號爲鐵體靡靡成風久而未艾學詩者稽其所敝而善爲持擇焉斯可矣

老客婦謠

臣會稽楊維禎上

老客婦老客婦行年七十又一九少年嫁夫甚分明夫死猶存舊箕帚南
山阿妹北山姨勸我再嫁我力辭涉江采蓮上山采靡采蓮采靡可以療
饑夜來道過娼門首娼門蕭然驚老醜老醜自有能養身萬兩黃金在

手上天織得雲錦章繡成願補舜衣裳舜衣裳爲女佩古意揚清光辨妾
不是邯鄲姬翰林侍讀學士詹同又作老客如傳州本又作鍼線婦

不赴召有述

皇帝書徵老秀才秀才懶下讀書臺子房本爲韓仇出諸葛應知漢祚開
一本云商山本爲儲君出黃石終期孺子來太守枉於堂下拜一作朕勤
承上命使臣空向日邊回一作縵終日邊回老大一作袖藏一管春秋筆

畱向胸中取次裁

上

大明皇帝一作鍾山

鍾山突兀楚天

一作江西玉柱曾經

御筆題日照金陵龍虎踞

一作雲

擁金陵龍虎踞

月明珠樹鳳凰棲氣吞江海三山小勢壓乾坤五嶽低百

世昇平人樂業萬年

帝壽與天齊

一作華觀聲中人仰社萬年

帝業

與天齊

寄宋景濂

一代春秋付托顓龍門太史筆如椽山河大統三分國正朔中華一百年
麒麟閣上登雄將龍虎榜中收大賢試問阮公高隱傳誰填四十滿中篇

景濂送楊廉夫還吳浙詩云皓仙八十起商山喜動天顏咫尺間一代
遼金歸宋史百年禮樂上春官歸心只憶鱸魚膾野性寧隨鴛鴦班不
受君王五色詔白衣宣至白衣還此詩潛溪集不載

上左丞相

玉帳牙床坐運籌雄師到處瘴烟收名傳異北三千里威振山東四百州
鐵馬屯雲江渚曉樓船泛月海天秋殷勤整頓乾坤了召入金鑾侍
冕旒

多景樓

極目心情獨倚樓荻花楓葉滿江秋地雄吳楚東南會水接荆揚上下流
鐵甕百年春雨夢銅駝萬里夕陽愁西風歷歷來征雁又帶邊聲過石頭

舟次秦淮河

舟泊秦淮近晚晴遙觀瑞氣在金陵九天日月開洪武萬國山河屬大明
禮樂再興龍虎地衣冠重整鳳凰城鶯花三月春如錦兆姓歌謠賀太平

上張太尉

上公柱國開藩府露布朝馳拜冕旒八陣風雲聞羽扇百年江漢見輕裘

鯨吹海雨來京口，雁帶邊聲下石頭。珍重晉公經濟手，中興天子復神州。

回上張太尉

一云謝賜收埋筆見徽楚國公碑文

昨夜文星照南極，今朝客省過東維。錦囊穎脫千年兔，斑管光搖九尾龜。墨捲風雲隨王氣，恩分雨露出天池。老夫來草平蠻策，先寫新封楚國碑。

寄淮南省叅謀

皇帝萬年天統在，人臣八柱地輪迴。西戎虎旅初傳箭，南粵蠻王又築臺。斗上龍光紅似電，海中蜃氣黑成堆。白衣上客叅謀議，畫畫爐中鐵助灰。

新省呈右相及藩叅諸公

大省新開方嶽重，人閒第二紫微垣。丹池鳳浴江湖淺，溫室花開雨露繁。天柱星辰高北極，海門日月遠東藩。相君大業憑誰賦，白髮詞臣詔立言。

贈王左丞

二首

臥雲道人今左轄，當時出岫本無心。隆中豪傑徵初起，江左蒼生望正深。星斗一天環北極，山河萬里貢南金。已聞良嶽無遺胤，況復淮淝有捷音。共說淮南王左相，開門下士日忘食。入幕許誰延鐵笛，備員尋客奉銅盤。長絛掣去饑鷹飽，故道歸來老馬寒。若問東維上書者，五湖今把釣魚竿。

至正廿三年四月淮南王左相微行淞江步謁草玄閣夜移酒船

宴閣所

微行誰識王丞相草履過門如野人太史遙遙瞻紫氣老夫急急裏烏巾
千陵故友終辭漢張祿先生又入秦休說五湖天樣闊扁舟何處不容身

寄蘇昌齡

東吳主者尊師相師相匡君近若何紫極正宜扶日月鴻溝未許割山河
金臺百丈媒燕隗蓋祿千鍾客孟軻亦有陽秋成鐵史姓名不必到鑾坡

送王弇生往吳大府之聘兼柬國寶樞相賓卿客省

近報淮吳張柱國樓船遣使聘嘉賓漢家自有無雙士趙客何勞十九人
天上瓊花回后土江南杜宇到天津若逢呂相煩相問應有奇書痛絕秦

王左轄席上夜宴

辛丑冬

銀燭光殘午夜過鳳笙龍管雜鳴鼙佩符新賜連珠虎觴令嚴行捲白波
南國遺音誇壯士西蠻小隊舞天魔醉歸不怕金吾禁門外一聲吹鐵羅

賦拱北樓呈相君

杭州作

伍子山頭宋舊宮龍樓改觀倍非

天連高柱星辰北地控窮荒島嶼東

鳳引短簫悲落日鶴歸華表語秋風玉龍一曲千宮曉江漢朝宗萬國同

寄蘇昌齡

雄文曾讀平徐頌光射磨厓百尺長秦府有時容魏徵韓仇何日報張良
青草瘴深鷺跼海碧梧春老鳳鳴陽楊雄識字知何用只合終身白髮郎

送呂左轄還越

名珍

保障南藩第一功未容若木掛雕弓露書誓剪金床兕壯氣平吞黑槩公
萬里天威龍虎北五雲佳氣鳳凰東麥城又報捷書至江上將軍是呂蒙
投來使

讀書不負萬乘君焉敢挾策干侯門極目姑蘇暮雲暗濯足洞庭秋水渾
千金不意市駿骨一飯豈期哀王孫我今拂袖歸去高卧桐江烟水村
杵歌

七首有序

杭築長城賴辦章仁令兩郡將美政洽于民心以底不日之成然役夫之
謠有不免悽苦者東維子錄其辭爲杵歌

亟亟城城城亟城小兒齊唱杵歌聲杵歌傳作睢陽曲中有哭聲能陷城
自古衆心能作城五方取土不須蒸土作城城可破衆心作城城可憑

疊疊石石石嗽嗽立竿作表齊竿旄阿誰造得雲梯子刻地過城百尺高
羅城一百廿里長東藩將此作金湯舊基更展三十里莫刺西門一樹樟
杭州刺史新令好不用西山取石勞拆得鳳山楊璉塔南城不日似雲高
南城不日似雲高城脚愁侵八月濤射得潮頭向來去錢王鐵箭泰山牢
攻城不怕齊神武玉壁堪支百萬兵不是南朝誇玉壁關西南是長城

毗陵行

孟冬四將發勾吳彎弓誓落髮髮顛智謀無過史萬葉嫵姚無加李金吾
前茅已作破竹刃三覆乃裏含沙狙常山長蛇一斷尾卽墨怒拈齊犇
王藥孤軍呼庚癸皂鴉萬甲迷縹緲江南長技江北無蒲牢一吼千鯨呼
赤扛卓入鐵甕戶鐵翅橫截丹陽湖擣虛之策不出此赤手可縛生於菟
當時上將陷江都至今莫贖千金軀後來飛將慎勿疎襄王城頭啼白鳥
如何臨期易將犯兵忌何必不讀孫吳書烏乎臨期易將犯兵忌何必不
讀孫吳書

盲老公

刺拜住哥臺長戊戌十月二十三日黨海寇用壯士椎殺之邁里古思將

黃中禽拜住盡戮其家

盲老公侍御史崇臺半面呼天子白米紅鹽十萬家鳳笙龍管三千指門
前養客皆天驕一客解散千黃苗太阿之枋忽倒擲槌殺義鶻招羣梟一
客死百客辱萬夫怒一夫獨生縛老育來作俘百口賤良一日戮獨遣小
娥年十五腰金買身潛出戶默作倡家馬

銅將軍

刺僞相張士信丁未六月六日爲龍井砲擊死
銅將軍無目視有準無耳聽有神高紗紅帽鐵篙子南來開府稱藩臣兵
強國富結四隣上稟正朔天王尊阿弟住國秉國鈞僭逼大兄稱孤君案
前火勢十妖嬖後宮春艷千花嬪水犀萬弩填震澤河丁萬鍾輸茅津神
愁鬼憤哭萬民銅將軍天假手疾雷一擊粉碎千金身斬妖孽拔禍根烈
火三日燒碧雲鐵篙子面縛西向爲吳賓

周鐵星

張氏亡國亡于其弟士信趣亡於毒斂臣周依依山陽鐵冶子以聚斂功
至上卿伏誅日曰錢穀鹽鐵籍皆在我汝國欲富當勿殺我主者怒曰亡

國賊不知死罪尙敢言是耶速殺之吳人快之或手額謝天曰今日天開眼也

周鐵星國上卿談申韓爲法經釘筆杖爲國刑千倉萬庫內外盈十有三賦爭科名周鐵星鞭算箕斂無時停開血河築血城血戰艦血軍營刮民膏啣民髓六郡赤骨填芻靈齊雲倚天一日傾鐵星亡國法常烹尙將六郡金谷數巧死萬一充虞衡嗚呼周鐵星十抽一椎百萬釘誓剗爾體作滿鑿鐵星碎地啓贖天開顏音育

蔡葉行

刺佞倖臣蔡文葉德張氏亡國由大弟致此實由二佞丁未春二佞伏誅於臺城風乾其尸于秤刑者一月

君不見僞吳兄弟四六七十年強兵富金穀大兄垂旒不下堂小弟秉鈞獨當國山陰蔡藥師雲陽葉星卜朝坐白玉堂暮宿黃金屋文不談周召武不論頗牧機務託腹心邊策憑耳目弄臣什什引膝前骨鯁孤孤內囚結去年東臺殺普化今年南垣殺鐵木鳳陵剖棺取含珠鯨海刮商劫沉玉弼官隨地進妖艷籠貨無時滿坑谷西風捲地來六郡下披竹刺案不

御六馬奔腐木解支五樓覆大越先罪魁餘殃盡孥戮寄謝悠悠伎倖兒
福不盈七旬連族何如吳門市賣藥賣卜餓死亦足

金盤美人

刺偽駙馬潘某潘娶美倡比數十內一蘇氏才色兼美醉後尋其罪殺之
以金盤薦其首于客宴絕類北齊主事國亡伏誅臺城投其首于溷
昨夜金床喜喜薦美人體今日金盤愁愁薦美人頭明朝使君在何處溷
中人溺血骷髏君不見東山宴上琵琶婦夜夜鬼語啼婆娑
北齊主納娼婦薛氏清河王岳嘗因其娼迎之至第主怒殺其娼薛甚
寵於帝久之主忽思其與岳通斬首藏於懷出東山宴飲探其首投於
盤支解其屍弄其髀為琵琶復收髀置涕泣佳人難再得載屍出葬主
被髮步哭送之

韋骨鯁并序論

韋名清江陵人性強梗好怒罵人號為韋骨鯁省臺大臣有過輒昌言之
無忌偽張氏太弟奪浙相位相僚曰壽曰的拜其偽太妃已而復奪臺印
韋大夫普持印朱泚清走普所屬語曰大夫尚不能殉印一死耶普死之

清時爲察胥獨航海至京師上書言壽的喪節普完節及陳便宜二十事
上不報徒步回江陵故里吳主欲仕之清力乞骸骨待親遂落魄金陵市
中以詩酒爲事母死後服道士服游五岳名山云予以清非巨卿大吏而
嫉邪憤世有裨正平之氣節求之於妾婦世豈不在可詠之列耶爲作韋
骨鯁詩

韋骨鯁性脩俗語札戢干眼中有周公孔子舌底有龍逢比干見無義漢
不律官怒癭突項髀芒刺生肺肝說敢向漢遮欄駕策不向秦鑽不仕爲
世人不識之峩獨角巾如多冠痛吟蕩陰里悲歌清淚灘左從右衛萬妾
婦朝梁暮晉千痴頑弗孤弗刃劫白日鉗郎模倣同奸奸同走轂下出臺
端力陳悖逆不赦金雞竿敗紅一陣逐風去木馱萬駕蠅螭盤劫來秣陵
市伴狂落魄酒澆舌本黃河乾我有孤竹和君獨絲彈神仙狡會只在吾
人間倒騎一笑與爾共訪西華山

虞丘孝子詞

顧亮會稽上虞人也父時倡義兵拒海寇與虜邵仇至正戊戌冬邁里古
思引兵東渡時爲虜所害亮時年十五每有推刃報仇之志而未獲遂也

閱去十餘年過余道其事揮涕哽咽髮盡墜予悲其志爲作虞丘孝子詞以繼古樂府云

虞丘孝子父仇未雪長劒柱頤哉草在舌夜誦獨漉篇涕泗盡成血嗚呼頭上天戴昏曉千金去買零陵之匕刃虞丘孝子心始了

送貢尚書入閩

繡衣經略南來後漕運尚書又入閩萬里銅鹽開越嶠千艘升斗買蕃人香熏茉莉春醒重葉捲檳榔曉饌頻海道東歸閑未得法冠重戴髮如銀

送貢侍郎和羅還朝兼柬李治書同年二首

南來使者急兵荒令下吳儂出蓋藏自是鄧侯能給饟從知汲黯可開倉王師刁斗晨連竈神女旌旗夜直橋我有干時書願上草茅望闕九天長吏部論思冠六曹承言還後采時髦不才何用麒麟指奇略須收虎豹韜無奈關梁長擾擾可堪州縣正嗷嗷烏臺若見同袍李爲說楊雄老賦騷

挽達元師

辛卯八月歿于南洋

黑風吹浪海冥冥披甲船頭夜點兵報國但知身有死誓天不與賊俱生神遊碧落青騾遠怒挾秋濤白馬迎廊廟正脩忠義傳詞臣執筆淚先傾

聞定相死寇

丙申六月死京口

三朝勲舊半彫零京口雄藩孰老成可是叔孫所欲死託吉楊喜聞先軫
面如生東園艸暗銅駝陌北固潮平鐵甕城珍重子儀誰可繼三軍氣色
倍精明

和盧養元書事二首

中原煙火半丘墟樓櫓相望白下孤蕃廝夜歌銅鉗鏐蠻酋春醉錦屠廡
北征解賦盧才子西事時談劇霸都莫上姓名丞相府老夫著論學潛夫
先生有救時論二首曰人心論巨室論及丞相長書一通皆不出名氏投
於政事堂

年年苛吏傷王政往往紅眠叛敎條渾水有時生小艸洞庭無地種餘苗
伏龍雛鳳應勞訪綺季黃公底用招聞道紫樞開錫燕寶釘大鈐賜天驕
時恰相招東南三處士

和楊叅政完者題省府壁韵二首丙申歲

正朔承千歲天下車書共一家一柱東南擎白日五城西北護丹霞
寶刀雷煥蒼精傑天馬郭家獅子花收拾全吳還聖主將軍須用李輕車

張藉隴頭曲云誰能更使李輕車收拾涼州歸聖主

將軍三軍共甘苦將軍之度吞百川樓蘭矯制嗤介子薛道衡出塞曲云
還嗤傅介子辛苦刺樓蘭定遠破虜銘燕然相若勸酒春如海壯士吹笳
秋滿天謗書不解惑明主將軍努力安三邊

書錢唐七月廿三日事至正丙申

兒童十日報日闌前夜妖蜚生燧光十五夜月食如紅銅瓠子勢方吞鮓
蜚瓠子苗氏也人鮓蜚地名蘄州血已到錢唐宋謠云惟有鮓黃兩州血
至今流不到錢唐火鮓東掣千尋鎖鐵馬西馳半段槍老牛老童紫微老
人迷醉眼綵紅猶挂木鹽商自吳門被寇盜米不通寇入抗先三日運前
至省臣喜爲之特紅

麋鹿臺前春似海鴛鴦湖上水如湯凶人不有三危竄義士能無六郡良
謾說子儀驚賊膽召方不至已聞在戎行李杜在危東門猛虎窮投
井尙倚九城松檜長

新春喜事

開春七日得喜報便似沉疴一日痊太子撫軍衣有續相臣憂國食無羶

望書褒重二千石斗米價平三百錢戴白老人稱萬壽吾皇今是中興年
聞詔有感

近報相臣親奉詔吾皇今是中興年江東鄴下無三日嶺北湖南共一天
諸葛出師機未失子儀見虜信應堅老臣欲借食前飭願與君王策萬全
承樞剗致祭羊公大傳廟有作率舜章同賦

峴山山頭一片石可應文墨解沾襟輕裘緩帶神長在深谷高陵迹自陳
南夏山川非故國睦州香火說遺民惟君獨念平吳後千載丹青憶老臣
惲明撫松圖

孤松手自植保此貞且固微微歲寒心孰樂我遲莫留侯報韓仇還尋赤
松去後生同一心成敗顧隨遇歸來撫孤松猶是晉時樹

題繆生佚寫林塘圖和倪元鎮韻

常熟繆貞字仲素爲江浙掾史次子佚字叔民年幾冠讀書能畫

清流帶古郭中有射鴨堂苔衣畫壁澗石臺花雨香之子弄孤翰相見竹
梧蒼思幽天機發慮清塵夢忘會須琴堂夜共宿破山房

蹋陶歌贈劉叔芳

蹋鞠復蹋鞠佳人當好春金刀剪芙蓉綉作滿月輪落花遊絲白日長年
年宅媚流光綺襦玊絡錦繡襦草相漫地綠色涼揭門縛綵觀如堵恰
呼三三喚五五低過不墜蹴忽高蛺蝶窺飛燕回舞步矯且捷如凌波輕
塵不上紅錦靴揚睂吐笑頰微渦江南年少黃家多劉娘劉娘奈爾何只
在當年舊城住門前一株海棠樹

蓮花埧埧在太湖之西薊氏村

埧或作門山川峭絕處音斗

棟花風殘子規舌蓮花埧上春三月埧上女郎齊踏歌輕衫白苧飄香雪
青山深鎖薊家村使君艇子泊當門門前滿樹櫻桃子手摘櫻桃招使君
使君本是龍門客身脫官袍岸鳥憤何處江南最有情新買蓮花埧上宅

甲申臘月廿五月初度

去年生旦吳山雪我食無魚客彈鋏今年生旦逢立春座上簪花寫春帖
主人錦筵相爲開烹羊炰羔作春杯柳車昨夜送窮去羯鼓今日迎春來
家人祝詞心轉急富貴今年當五十男兒富貴絕可憐年少光陰胡可及
大姬白題作胡舞小姬吳飲歌白苧丹穴錦毛飛鳳凰海樹紅芽語鸚鵡
兩家公子與玉觴酒酣起把雙銀觴胸吞笠澤三萬頃氣卷渴鯨千丈長

座中有客吾宗老玉山不受春風倒歌詞自作風格高合樂驚聲一時好
夜如何其且秉燭主人奉驪爲不足主人交誼晚誰似四海弟兄同骨肉
我歌醉歌君擊缶金樽琵琶勿停手洞庭君獻橘雙頭飲以洞庭春色酒
輪雲世事知何有

二月十二日玉山人買百花船泊山塘橋下呼瓊花翠屏二姬招
予與張渥叔厚于立彥成遊虎阜俄而雪霰交作未果此行先
以此詩寫寄就要諸公各和

百華樓船高八柱主人春游約春渚山塘橋下風兼雨正值灌壇西海婦
桃花街口小蠻孃腰身楊柳隨風揚翡翠屏深未肯出蹋歌直待踏春陽
喜聞晴語聲谷谷明朝豫作花遊曲小蠻約伴合吹笙解調江南有子鵲
乙酉四月二日與蔣桂軒伯仲諸友同泛震澤大小雷望洞庭之
峯吹笛飲酒乘月而歸蓋不異老杜坡仙遊漢陂赤壁也舟中
各賦詩余賦二十韵爲首唱

江國春歸夏云盡十日五日風雨橫具區擺盪浪如山吳兒善泅并敢榜
今朝氣候昨不同湖頭無雨兼無風小施祠前棹謳發樓船下水如游龍

大雷不動小雷伏銀海空青光奪目魚龍百怪暫袪除平展輕綃三百幅
牙檣五兩空中舉陳澹村中過撾鼓燒筍旣憩彭城灣米尊復渡楊家浦
中流颶發占莫搖須臾鯨浪吼蒲牢長年捩舵稱好手小腹失箸生寒毛
蔣家二仲素奇士更有登高羊叔子老崖鉄笛上青雲玉龍穿空卷秋水
船頭可奈風水何拔劍擬斫生蛟鼉人生哀樂固相半神靈涉意母過多
鴟夷人海人不識漁媼漁王配寒食鄉里小兒舞竹枝乞與神童舞銅狄
我聞洞庭之峯其橘大如斗剖而食之見奕叟弱水不隔天表流獨我胡
爲牛馬走五湖挂席從此首

謝呂敬夫紅牙管歌

呂云度牒老宮人所傳物也滄江泰娘蓋敬夫席上善倚歌以和余天忽
雷者故詩中及之

鐵心道人吹鐵笛大雷怒裂龍門石滄江一夜風雨湍水族千頭嘯悲激
樓頭阿泰聚雙蛾手持紫檀不敢歌呂家律呂慘不和換以紅牙尺八之
冰柯五絲同心結龍首曾把昭陽玉人手只今流落已百年不省愁中折
楊柳道人吹春哀北征宮人斜上草青青吳兒木石悍不驚泰娘苦獨多

春情爲君清淚滴紅冰

紅酒歌謝同年智同知作

楊子渴如馬文閣宰官特賜桃花源
桃花源頭釀春酒滴滴真珠紅欲然
左官忽落東海邊渴心鹽井生炎燠
相呼西子湖上船蓮花博士飲中仙
如銀酒色不爲貴令人長憶桃花泉
膠州判官玉牒賢憶昔同醉瓊林筵
別來南北不通問夜夢玉樹春風前
朝來五馬過陋廛贈我胸中五色線
副以五鳳樓頭牋何以澆我磊落抑
塞之感慨桃花美酒斗十千垂虹橋
下水拍天虹光散作真珠涎吳娃鬪
色櫻在口不放白雪盈人顚我有文
園渴苦無曲奏鴛鴦絃預恐沙頭雙
玉盡力醉未與長瓶眠逕當垂虹去
此興吞百川我歌君扣舷一斗不惜
詩百篇

題伏生受書圖

瓜丘崩科斗藏典墳孰求楚左相
金絲未壞孔子堂濟南老生教齊魯
綿蕝禮官何足伍挾書嚴禁禁未開
盤詰誰能禁齊語百年禮樂當有興
天子好文開太平百篇大義喜有托
十三女口傳嚶嚶太常掌故親往受
百篇僅遺二十九河內女兒還可疑
老人屋中有科斗建元博士孔襄孫
五

十九篇爲訓文嘉唐惲榮家有詔孔氏全經誰與論倪家書生能受學一
篇薦上元非樸賞官得列中大夫帝軌皇塗未汲擯漢家小康以老餘烏
用司空城旦書蓋音闕師曰治在何處後世徒走陳農車陳農車漢成帝時人

題王粲登樓圖

臨洮水涸銅人毀西園青青草千里秦川公子走亂離瘦馬疲童面如鬼
衆貌甚衰俊君威名跨海南虎視走鹿何耽耽可憐膝下盡豚犬誰復大
厦收楸楠落日樓頭髀空撫目斷神州隔風雨平生不識大耳公座上客
歸丞相府春深銅雀眼中蒿攬涕尚復思登高江山破碎非舊土版圖何
日還金刀荆臺高樓已荆棘丹青寫賦工何益君不見袁家有客能罵賊
將軍頭風重草檄

題陶淵明漉酒圖

義熙老人義上人一生嗜酒見天真山中今日新酒熟漉酒不知頭上巾
酒醒亂髮吹驕屑架上烏紗洗糟蘖客來休怪頭不冠巾冠豈爲我輩設
故人設具在道南老人一笑猩猩貪東林法師非酒社攢眉入社吾何堪

家貧不食糟公肉肯食劉家天子祿頽然徑醉臥坦腹笑爾阿弘來奉足

題陶弘景移居圖

大奴擔簦挈壺餐小奴籠雞約孤狔雪斑鹿前雙婉孌水雲牯背三溫磨
中有玉立而長身幅巾野服爲何人云是永明之隱君身有黑子七星文
自從夜讀葛洪傳便覺白日生青雲解冠徑掛神武門寧蘆尚拜君王恩
句容洞天元第八茅家弟兄遁秦臘飛宮三接十二樓下聽華陽海聲狹
三朝人物半凋零水丑木中文已成金牛脫絡誰得筭書牛以金籠頭絡
之枯龜受灼寧生靈金沙丹飯饑可餉山中猶嫌呼宰相從此移家金積
東滿谷桃花隔秦壤盡工何處訪仙蹤脩眉明目射方瞳可無雞犬逐牛
豕栗橘葛桶皆家僮鐵崖浮家妻予從名山亦欲尋赤松華陽禮郎或相
逢清風喚起十八公乞以玉笙雙鳳吹雌雄

明皇按樂圖二首

大唐天子梨園師金湯重付軋華兒何人端坐閱樂籍三萬纏頭不足支
邇年檀板阿蠻舞花奴手中花如雨鈞天供奉真人上亦親擲汝陽鼓
玉奴檀槽倦無力忽竊寧哥手中笛邊風吹入新黃蕭銅池夜夢雙飛翼

閤門邊奏塞難聽耳譜更訪明月宮漁陽一震萬竅聾梨園弟子散如雨
惟有舞馬傷春風

沉香亭前花萼下

叶戶

天街一陣催花雨海棠花妖睡初着直略切喚醒

一聲紅芍藥金鑿供奉調清平梨園舊曲換新聲阿環白吹范陽笛八姨
獨操傷春情君不見夜遊重到明月府青鸞能歌鬼能舞五雲不障蚩尤
旗回首烟中萬鼙鼓那知著底梧桐雨雨聲已入淋鈴譜

題楊妃春睡圖

沉香亭前燕來後三郎鼓中放花柳西宮困人春最先華清溶溶煖如酒
雪肢欲透紅薔薇錦襦卸盡流蘇幃小蓮侍擁扶不起翠被卷作梨雲飛
蟠龍髻重未勝綰燕釵半落犀梳偃晚漏壺中水聲遠簾外日斜花影轉
琵琶未受宣喚促睡重黎腰春正熟不知小初思塞酥夢中化作啣花鹿

題並笛圖

北溟蒼蟠赤有只何年飛入昭陽裏王母抱其首至尊撫其尾愛之不啻
如已子時復嬌嘶作宮徵寧王竊弄至尊喜一朝踴躍不可收化作萬丈
長黃虬騰怒觴崑崙丘五城欲崩河倒流老優方作霓裳舞朔風忽動

漁陽鼓鼓聲殷殷來朝陽六龍西狩劒閣長歡樂極分悲傷馬嵬坡下
塵土香玉奴絃索花奴鼓闌奴節腔渾奴舞阿環自品玉玲瓏御手移游
親按譜風生龍爪垂星香露濕鞍唇金縷長莫倚花深人不見李暮摩遂
傍宮牆

冬青塚篇

老羝夜射錢塘潮天山兩乳王氣消禿妖尙壓龍虎怪浮圖千尺高峇
文山老客智且勇夜舟拔山山不連江南石馬久不嘶塚上冬青今已拱
百年父老憤填胸不知巧手奪天工冬青之木鬱葱葱六橫更樹蒲門東

題錢遜畫長江萬里圖

神禹劃天塹橫分南北州祇今天不限南北一葦絕之如丈溝洪源發從
瞿塘口嶮峽中壁爭黃牛括漢甲湘會沅澧二妃風浪兼天浮青山何罪
受秦赭翠黛依然生遠愁洞庭微波水葉脫有客起登黃鶴樓老瞞橫槊
處醺酒澆江流江東數豪傑乃是孫與周東風一信江上發從此鼎國曹
孫劉吳南魏北後倏忽開六朝朝叶朝江南龍虎地山水清相繆渡頭龍
馬王氣歛洲邊鷗鷺才名聞新亭風景豈有異長江不洗諸公羞宮中金

蓮步方曉後庭玉樹聲已秋何如一杯酒錦袍仙人月下舟解道澄江靚
如練醉呼小謝開青眸鐵崖散人萬里鷗拙迹今似林中鳩不如大賈伯
江山足勝遊腰纏足跨揚州鶴樓船不用蓬萊丘平生此志苦未酬眼明
萬里移滄洲烏乎楚水尾吳淞頭山河一髮瞻神州孰使我戶不出兮囚
山囚

題跋月山公九馬圖手卷爲任伯溫賦

任公一生多馬癖松雪畫馬稱同時已知筆意有獨得天育萬騎皆吾師
房精夜墮池水黑龍山池中飛霹靂圖中九馬氣俱王都護青驄尤第一
一馬飲水水有聲兩馬斃草風雨生其餘五馬盡奇骨蠻煙洗盡桃花明
君不見佛郎獻馬七度洋朝發流沙夕明光任公承旨寫神駿妙筆不數
江都王任公一化那可復後生畫馬空多肉此圖此馬無人看黃金臺高
春草綠

袁馬圖

唐家內廐三萬匹畫史縑緗都熟識綠蛇連卷骨初蛻一團旋風五花色
濕雲乍洗烏龍池金索掣斷愁欲飛奚官獨立柳陰下手把玉鞭將贈誰

飲馬圖

佛郎新來雙象龍鼻端生火耳生風臨流飲水如飲虹波光倒吸王良宮
吁嗟清海頭白磧尾濁鳥一失金井水長城窟遠腥風起

正而黃

鼎湖乘黃忽已仙龍池霹靂飛青天玉臺萬里在足下青絲挽住春風前
疑如長鶴靜不驚仗下肯受庸奴鞭主恩一顧百金重不辭正而當君憐
肯立驪

首昂渴烏騰山峙拂階一把銀絲委金韉脫兔勢無前蹄鐵盤攢忽如倚
淺體大腹方爭塗忍使驪龍老垂耳倚風肯立非背恩馱錦秋高爲君起
送王知事遷臺架閣

河間王郎後王粲文采風流發奇幹十年挾策胄子學博士先生此隣縣
登樓作賦少追騷六代同風掃靡爛孰知王郎氣骨高聲處巖官執彈
大朝陳署統烏府三語從容五行雁案頭可但抱成書管筆 曾坐且
漸河以西風紀難宮寺狼殘民久散定應敷奏一鳴湯未數威稜三斗炭
且令風裁徒事喚三尺持平金石貫喜見清畫出水雪又送文灘入秋漢

南端文法重檢詳架閣名官資主辯皐囊白簡不敢浴如守遺珠劍空將
九重關內急羣言天子英明在東觀寄語西來王子淵早頌賢臣職臺諫
諫章前一及東南且爲塩租發長歎

題高郵何將軍老山圖

何家將軍多愛山以小比老尤堅頑青山面目元不老將軍却笑鬚眉斑
崑崙何時鰲背裂將軍氣高嵩華絕小夫移山良自愚將軍一怒天柱折
天山已定三飛鶻凱歌十二和歸鏡殘山剩水在何處第五橋北南塘圻
太平天子方講道將軍六十便稱老黃金雨外棄甲拋白玉風前醉山倒
宣州畫生來作圖圖中貌得詩人臞銀瓶索酒豪尚在腰間屢解雙珠符
門前好事復載酒東山携來散花手戎王子花歌月支落日平臺舞楊柳
玉堂醉艸寫烏絲時與盧老同襟期將軍風韻有如此何必酷似劉牢之
當時幽州得鄭杜尚帶儒酸走風雨何如盧後更逢楊亦復有客如此不
嬉春體 五首○錢塘湖上作一云賦仙唐體遺錢塘詩人學杜者
今朝立春好天氣况是太平朝野時走向南隣覓酒伴還從西墅買花枝
陶令久辭彭澤縣山公祗愛習家池宜春帖子題贈爾日日春遊日日宜

西子湖頭春色濃。望湖樓下水連空。柳條千樹僧眼碧。桃花一株人面紅。
天氣渾如曲江節。野客正是杜陵翁。得錢沽酒勿復較。如此好懷誰與同。
何處被花惱不徹。嬉春最好是湖邊。不須東家借騎馬。自可西津買蹺船。
燕子繞林紅雨亂。鳬雛衝岸浪花圓。段家橋頭猩色酒。重典春衣沽十千。
入山十里清涼國。三百樓臺迤邐開。岳王墳前弔東度。隱君寺裏話西來。
接果黃猿呼一箇。探花白鹿走千迴。風流文采湖山主。坡白應須屬有才。
楊子休官日日閑。桐江新棹酒船還。叮嚀舊客兼新客。漫浪南山與北山。
好懷急就一斗飲。佳人能作五絃彈。君看此地經遊輦。彷彿春風夢未殘。
顧瑛云先生所謂嬉春體卽老杜以江上誰家桺柳枝。春寒細雨出疎籬。
爲新體也。先生自謂代之詩人爲宋體所格。故作此體變之云。

又湖州作四首○書寄班恕齊試溫生華寫人前卷

三月三日雨新晴。相邀春伴冶西城。卽倩山妻紗帽辦。更煩小將犢車輕。
好語啼春泰吉了。仙姿當酒董雙成。憑君多唱嬉春曲。老子江南最有情。
五十狂夫心尚孩。不受俗物相填軋。興來自控玉蹄馬。醉後不辭金當杯。
海燕來時芹葉小。野鶯啼處菜花開。春衫已備紅油蓋。不怕城南小雨催。

長城小姬如小憐紅絲新上琵琶絃可人座上三株樹美酒沙頭雙玉
小洞桃花落香眉大堤楊柳掃晴煙明朝紗帽青藜杖更訪東林十八仙
湖州野客似玄真水晶宮中烏角巾得句時過張外史學書不讓管夫人
棋尋東老林中橋飯煮西施廟下純無雨無風二三月道人將客正嬉春

無題效商隱體

四首○與袁子英同賦

當軒隊子立紅靴龜甲屏風擁絳紗公子銀瓶分汗酒佳人金勝剪春花
曲調青鳳歌聲轉觥進黃鸝舞勢斜五十男兒頭未白臨流洗馬走紅沙
主家院落近連昌燕子歸來舊杏梁金埒近收青海駿錦籠初教雪衣娘
春衣甲帳春容曉吹笛西樓月色涼今夜阿鴻新進劇黃金小帶荔枝裝
二月皇都花滿城美人多病苦多情一雙孔雀啣青綬十二飛鴻上錦箏
酒闌珍珠傳玉掌羞分甘露倒銀罍不堪容易少年事爭遣狂夫作後生
信不堪容易蒲郎郎爭遣施朱作後生

天街如水夜初涼照室銅盤壁月光別院三千紅芍藥洞房七十紫鴛鴦
繡靴踟躕句驪絳羅帕垂彎女直妝願爾康強好眠食百年歡樂未渠央

次韻黃大痴畫體

千枝燭樹玉青葱
綠沙照人江霧空
銀甲辟絃斜雁柱
薰花撲破熱鴛籠
仙人掌重初承露
燕子腰輕欲受風
閑寫惱公詩已就
花房自擣守宮紅

寄衛叔剛

二月春光如酒濃
好懷每與可人同
杏花城郭青旗雨
燕子樓臺玉笛風
錦帳將軍烽火外
鳳池仙客碧雲中
憑誰解釋春情重
只有江南盛小叢

和楊孟載春愁曲之什

小樓日日聽雨卧
輕雲作團拂簾過
金黃楊柳葉初勻
雪色棠梨花半破
東家蝴蝶飛無數
西鄰燕子來兩箇
玉關萬里尺書稀
羞殺牡丹如斗大
一作春風不似春愁大

寄小蓬萊主者聞梅礪并簡沈元方宇文仲美賢主賓

羅浮主者是仙才
東老諸孫亦俊哉
風雨春城花落盡
江山故國燕歸來
酒盟自有烏巾在
笑口應隨皓齒開
十八僊人重會處
劫灰不到小蓬萊

次韵奉答倪元鎮

坐斷深林事不聞
西窗風日愛餘曛
舊經高赤尋三傳
新詠山王削五君
翠條侵床落香雪
石池洗硯動玄雲
東隣書屋最相憶
莫遣艸堂移浪文

訪倪元鎮不遇

霜滿船篷月滿天飄零孤客不成眠
居山久慕陶弘景蹈海深慚魯仲連
萬里乾坤秋似水一燈燈火夜如年
白頭未遂終焉計猶欠蘇門二頃田

富春夜泊寄張伯雨

春江大汎潮水長布帆一日上桐廬
客星門巷赤松底野市江郊淨雪初
杜宿雞籠山頂鶴斗量紫網壩一作沙頭魚來青小閣在林表故人殘燈
修夜書

懷家

楊雄有宅鄭里莊某丘某水舊耕桑
碧山學士銀魚棄錦里先生烏角藏
自是秦人齊指鹿未能楚客廢屠羊
王侯蠟穴一夢覺歸作槐陰審雨堂

贈綠生楊君顯

楊君縛筆三十年高鑒豈止千人傳
梁園學士爲作傳虎丘道人曾乞錢
桐葉秋風來古寺苔花春水放歸船
白頭懶草長門賦自寫江南踏踞篇

遊開元寺憩綠陰堂

爲開元寺長老秀石公賦

章郎句中尋畫寂劫灰不盡綠層層
鴻文重記青城客內典新傳瀑布僧

石佛浮江輕似葉神珠照鉢隱如燈杪巖樹千風前落吹傷恩公舊榻
音榻谷西域毛席大床前小榻以上香者

四月四日偕蜀邵景文大梁程冲霄益都張翹遠雲間呂德厚
會稽胡時敏汝南殷大章同遊錢氏別墅飲于菊亭僧舍賦
書于壁

山公今日飲何處爲愛東池似習池喬木尚傳錢相宅蒼苔已上岳公碑
井甃或從雙劍出石人夜逐五丁移中天良岳爲平地可但平泉草木悲
用顧松江復理齋貳守

仙客題來隘九州身騎黃鶴記南游烏衣故國江山在銅柱荒臺草樹秋
起無劉琨空有志登高王粲不勝愁問君絕境今何在秋憶當年顧虎頭
和蔡彥文題虞伯生張伯雨倡和帖

髯駕已聞攀鼎水劫灰又見話昆池劍藏玉几山中記筆記玄卿天上碑
舊譜紫霞吹鶴骨新章白雪寫烏絲逃身我未學仙去何處還丹日月遲
詠白塔

天山乳鳳飛來小東渡衣冠又六朝劫火不焚楊璉塔箭鋒猶抵伍胥潮

燐光夜附山精出龍氣春隨海霧消獨有宮人斜睨月多情猶自照吹簫

送理問王叔明

金湯回首是耶非不用千年感令威富貴向人談往夢干戈當自息危機
雄風豪雨將春去剩水殘山送客歸聞說清溪黃鶴在鶴邊仍有釣魚磯

丹鳳樓

十二危樓三尺梯飛飛丹鳳五雲齊天垂翠蓋東皇近地拂銀河北斗低
花驕秋空戎馬順神燈夜燭海雞啼仙童與報麻姑會應說蓬萊水又西

贈王蒙

一夜西郊春草生草堂吹笛夜挑燈塞雁北飛千里雪吳波綠泮五湖水
杜陵詩句花無賴張緒風流柳不勝莫遣檢書并看劍自將鵝帖寫溪藤

和黃彥美元帥憂字韵詩賦思邈明府

龍飛鳳舞九山秋不掩諸公富貴羞三窟已營何足喜一城自壞正堪憂
楚騷有恨窮天問晉易何人識鬼幽卧治未宜輕汲直淮南聞已寢奸謀

夜坐

雨過虛亭生夜涼朦朧素月照芳塘螢穿濕竹流星暗魚動輕荷墜露香

起舞劉琨肝膽在驚秋潘岳鬢毛蒼候蟲先報砧聲近不待尊鱸憶故鄉

西湖

西湖風景開圖畫墨客騷人入咏嗟扇底龍魚吹日影鏡中鶯燕老年華
蘇堤物換前朝柳葛嶺人耕故相家今日消沈一杯水兩峯長照夕陽斜
贈饒白雪教諭攝懷安尹

幾年避地客天涯吳水東邊曾卜家樂與諸生談俎豆閑從父老問桑麻
兵前坤軸延秦火亂後天河斷漢槎僅有藍田文學棣攝官不忍剝瘡痂
吳詠十章用韻復正宗架閣

館娃宮裏落花多春色撩人可奈何南省風流文架閣宮才解賦館娃歌
曾侍虛皇第二筵鐵仙輕脫故依然江州坐上初相見還識人中孟萬年
杜牧尋春苦未遲水晶宮裏舊題詩小鬟莫訝腰如束善唱白家楊柳枝
馬上郎君出帝城瓊林宴裏記相迎吳山吳水新迎送學唱陽關第四聲
淮南八月雁初過奉使槎迴烏鵲河十里楊州花底散五陵年少已無多
夏駕湖頭朱雀舟湖光山色不勝秋丘中不見金銀氣臺上閒看麋鹿遊
江上樸花鐵石心江南腸斷越人吟南垣閣老多情甚才見樸花便抱琴

鷗英仙去五湖船故國何人憶計然昨夜洞庭秋水長夢開廣樂下鈞天
黃菊初華客未歸登高自試萼羅衣真娘墓下好紅葉伍相祠前多翠微
地行仙子楊權家曾降山中萼綠華三十六橋明月夜蘇州城裏有瑤花
官妓名瑤花宴者新自維揚來蘇州

飛絮

春風門巷欲無花絮起晴風落又斜飛入西簾空惹恨不知楊柳在誰家

賦春夢婆

黃柳城邊風雨多白頭宮女有遺歌東坡哨遍無知已賴有人間春夢婆

書扇寄玉岳在瑤芳所書是日食金桃

洪武庚戌夏五

昨日追隨阿母遊錦袍人在紫雲樓譜傳玉笛俄相許果出金桃不外求
先生以洪武庚戌夏五月辛丑卒此詩其絕筆也

張員外景

是字光弼廬陵人早游湖海爲虞集張翥所知楊左丞鎮江掾用才略參
謀軍府事遷杭省左右司員外郎行樞密院判官天下用兵藩府官多侵
官怙勢光弼詩酒自娛超然物表左丞死棄官不出張氏禮致不用策其

必敗題蕉葉以寓志居西湖壽安坊今之乾市也貧無以葺廬凌彥翀爲疏募焉酒間爲瞿宗吉誦歌風臺詩以界尺擊案淵淵作金石聲笑曰我死埋骨湖上題曰詩人張員外墓足矣太祖轍至京深見溫接問其老曰可開矣厚賜遣還因自號可開老人徜徉至西湖山間年八十三而終

織錦詞

行家織錦成染別牡丹花紅杏花白作雙紫燕對銜春一足錦成過半月持來面堂捲復開佳人細意爲剪裁銀燈連夜照針指平明設宴章華臺爲君著衣舞垂手看得風光滿楊柳蝶使蜂媒無定栖萬藥千花動衣袖回回舞罷換新衣新衣未縫錦下機憐新葉舊人所悲百年歡樂惟片時

白鴿雀歌

烏桓城下白鴿雀雄鳴雌隨求飲啄有時決起天上飛告訴生來毛羽弱西河伶人火倪亦能以絲聲代禽臆象牙指撥十三絃宛轉繁音哀且急女真處子舞進觴團衫盤帶分兩傍玉纖羅袖和枝體要與雀聲相頡頏朝彈暮彈白鴿雀貴人聽之以爲樂變化春光指顧間萬葉千花動絃索只今蕭條河水邊宮庭毀盡沙依然傷哉不聞白鴿雀但見落日生寒烟

歌風臺

世間快意寧有此亭長還鄉作天子沛宮不樂復何爲諸母父兄知舊事
酒酣起舞和兒歌眼中盡是漢山河韓彭受誅黥布戮且喜壯士今無多
縱酒極歡畱十日慷慨傷懷淚沾臆萬乘旌旗不自尊魂魄猶爲故鄉惜
由來極樂易生哀泗水東流不再回萬歲千秋誰不念古之帝王安在哉
有若石刻今如許幾度西風灞陵雨漢家社稷四百年荒臺猶是開基處
瞿宗吉云豪邁跌宕雅興頓挫

陪宴相府得芍藥花有感

醉吐車茵愧不才馬前蝴蝶趁花回玉瓶盛露扶春起錦帳圍燈照夜開
垂白敢思溱洧贈欵紅還是廟廊裁楊州何遜空才思惟對高寒詠閣梅

惆悵五首

三山夢斷綠雲空幾把長箋賦惱公畫閣小杯鸚鵡綠玉盤纖手荔枝紅
春衫汗裏薔薇露夜帳香回茉莉風惆悵近來江海上却將鞍馬學從戎
畫船湖上載春行日日花香扇底生蘇小樓前看洗馬水仙祠畔坐聞鶯
碧桃紅杏渾相識紫燕黃蜂俱有情惆悵繁華成逝水盡歸江海作潮聲

惆悵當年使酒來，娼樓紅粉夜相催。
可憐明月二分在，不見璚花半朶開。
誰復醉翁堂下柳，更堪從事閣中梅。
楊州一片青青草，誰信春來無雁回。
惆悵雄藩海上遊，武昌佳氣接神州。
東風歸思王孫草，北渚愁生帝子洲。
楚國江山真可惜，劉家豚犬亦何羞。
不須更問中原事，官柳新栽過戟樓。
至今惆悵在東城，結伴看花取次行。
輦道駐車招飲妓，宮牆回馬聽流鶯。
星河織女從離別，海水蓬萊見淺清。
不有酒船三萬斛，此生懷抱向誰傾。

過楊忠愍公軍府留題

總是田家門下客，誰於軍府若爲情。
林花滿樹鶯都散，雨水平池草自生。
街上相逢驚故吏，馬前迎拜泣殘兵。
能言樓上題詩處，猶有將軍舊姓名。

睡覺

滿院楊花風力輕，牡丹時月好晴明。
簾垂不知白日晚，睡覺忽聞黃鳥鳴。
萬斛春光金盞酒，百年心事玉人箏。
劉伶未到忘形處，枉自閑將畚鍤行。

別春次楊州成廷圭韵

燕語鶯啼盡可哀，更無馬迹到青苔。
自從玉樹成歌後，曾見銅仙下淚來。
爲晉爲秦花幾度，行雲行雨日千迴。
若教蝴蝶知春夢，儘把黃金付酒杯。

湖上漫興二首

百鎰黃金一笑輕少年買得是狂名尊中酒釀湖波綠席上人歌鳳語清
蛺蝶盡羅官樣扇珊瑚小柱教坊箏南朝舊俗憐輕薄每到花時別有情
湖上新泥雪漸融門前溝水暗相通裙欺萱艸輕盈綠粉學櫻桃淺淡紅
暮雨欲來銀燭上春寒猶在酒尊空青綾被薄不成夢又是杏花信風

繡毬花次元顏廉使韵

繡毬春晚欲生寒滿樹玲瓏雪未乾落遍楊花渾不覺飛來蛺蝶忽成團
釵頭懶戴應嫌重手裏閑拋却好看天女夜涼乘月到羽車偷駐碧闌干
丞相委入姑蘇索各官俸米畱別幕府諸公

不比常年載酒遊杏花時節出杭州粉闥未覺爲郎貴萱草難忘此日憂
沙漠帛書空見雁江湖春水莫容鷗何須折盡垂楊柳畱取他年繫別愁
至姑蘇呈太尉

相君求米若求雨員外得船如得仙職忝下僚班可恥情通隣好亦堪憐
山中棋局迷樵客溪上桃花誤釣船醉把玉杯無所記不勝惆悵晚春前
辭答張太尉見招

中年晚覺壯心去涉世頗知前事非
若使范增能少用肯教劉表失相依
風雲天上渾無定麟鳳人間不受羈
殘夢已隨舟楫遠五湖春水一鷗飛

秋興

一夜涼風便覺秋楚人多感
易生愁金盤露水何曾見
紈扇恩情未肯休
零落梧桐宮井上
稀疎楊柳御街頭
近來收得麻姑信
說道蓬萊更可憂

次林叔大都事韻

三首

春來長是誤佳期
鵲鳥雄鳩不可私
錯認櫻桃懸蟾子
悔將衫袖染鵝兒
燒殘蠟燭渾成淚
折斷蓮莖却是絲
辜負綠牕閒歲月
只教楊柳妬腰肢
何處銀鞍白鼻駒
忘將錦瑟數年華
渡頭水急憐桃葉
陌上春狂信柳花
那得芳心到鸚鵡
泣將殘淚付琵琶
一身已自成惆悵
況似平陽十萬家
莫謾題情在粉牆
藕絲終日繫柔腸
不知漢主黃金屋
何似盧家白玉堂
好夢自拋桃葉後
閑愁過似柳條長
無端收得春羅帕
徹夜薔薇露水香

侍御周伯溫以行臺驛謁姑蘇柬寄之

白頭歲月付流波
何物虛名在諫坡
屬國莫嫌持節久
子陽猶謂見天多
強梁不見圖銷印
跋扈如聞欲倒戈
一樹紅梨春事晚
宣文閣下欲如何

鄰園海棠

自家池館久荒涼，却過鄰園看海棠。
日色未嫣紅錦被，露華猶濕紫絲囊。
掌中飛燕還能舞，夢裏朝雲自有香。
銀燭莫辭深夜照，幾多佳麗負春光。

得編修朱桓海道之音

命酒徵歌記往年，玉堂遂有夢相牽。
魚緘尺素雖云密，事載空言始可憐。
季世人材思管樂，盛時戎馬說幽燕。
張騫惜識天河路，俯仰乾坤一慨然。

感事

雨過湖樓作晚寒，此心時暫酒邊寬。
杞人唯恐青天墜，情衛難期碧海乾。
鴻雁信從天上過，山河影在月中看。
洛陽橋上聞鵲處，誰識當時獨倚闌。

醉題

二月鶯聲最好聽，風光終日在湖亭。
清宵酒壓楊花夢，細雨燈深孔雀屏。
情在綢繆歌白苧，心同慷慨贈青萍。
方平自得麻姑信，從此人間見客星。

虎丘寺畱題

莓苔欲徧盤陀石，知是梁朝古道場。
陳迹謾驚成俯仰，空門元不預興亡。
白漫天上俱兵氣，赤伏池中是劍光。
如會五公重說法，勸教東海莫栽桑。

寄松江楊維禎儒司

畫蛇飲酒台誰先塵土東華四十年海上豈無詩可和雲間還有事相牽
牡丹開後春無力燕子歸來事可憐欲倩鐵龍吹一曲滿湖風浪又迴船
碧筩飲次胡丞韻

小刺攢攢綠滿莖看揎羅袖護輕盈分司御史心先醉多病相如渴又生
銀浦流雲雖有態銅盤清露寂無聲當年欲博千金笑故作風荷帶雨傾
送丁道士還澧陵

丁令還家骨已仙更無城郭有山川未添白髮三千丈又見銅駝五百年
荒草茫茫連故國孤雲冉冉下寥天澧蘭歌送潯溪水望極潯陽思惘然
寄孟昉郎中

孟子論文自老成蚤於國語亦留情省中醉墨題猶在闕下新知誰與行
統扇晚涼詩自寫翠鬟情重酒同傾接輿莫更閑歌鳳只可狎狂了此生
贈沈生還江州

鄉心正爾怯高樓况復樓中賦遠遊客裏登臨俱是感人間送別不宜秋
風前落葉隨車滿日下浮雲共水流知汝琵琶亭畔去白頭司馬憶江州

贈寓客還瓜洲

把酒臨風聽棹聲，河邊官柳綠相迎。
幾潮路到瓜洲渡，隔岸山連鐵甕城。
月色夜畱江叟笛，花枝春覆市樓簷。
贈行不用歌楊柳，此日還家足太平。

無題

灼灼庭花露未收，樂然雙燕語綢繆。
新粧滿面猶看鏡，殘夢關心懶下樓。
春到自憐人似玉，困來誰問酒扶頭。
狂蹤已作風絲斷，敢怨流年似水流。

長安鎮市次趙文伯韻

淹遍衣衫猶未乾，何如李白醉長安。
牡丹庭院溥新露，燕子簾櫳過薄寒。
春晚絕無情可託，日長惟有睡相干。
舊題猶在輕羅扇，小字斜行不厭看。

謝僧惠蒲履

大夫此日可徒行，蒲履深煩遠寄情。
除是高僧求易得，自非巧手織難成。
春來見客身差健，老去看花步覺輕。
他日袈裟如過我，定須着此出門迎。

金山寺

六鷺捧出法王宮，樓閣居然積浪中。
門外鷗眠春水碧，堂前僧散夕陽紅。
楊州城郭高低樹，瓜步帆檣上下風。
人世幾回江上夢，不堪垂老送飛鴻。

演法師惠紙帳

銀燈夜照白紛紛四面光搖白穀文
隔枕不聞巫峽雨繞床唯走剡溪雲
湖和柳絮何因到月與梅花竟莫分
塞北江南風景別却思羶帳舊從軍

峽川

石與青天近溪雲向客低
自然堪下淚不是有猿啼

水殿納涼圖

別殿紅綃女無風亦自涼
欄邊是湖水夜夜宿鴛鴦

七夕

乞與人間巧全憑此夜秋
如何針線月容易下西樓

別劉博士

祗爲情如雨從教醉似泥
免看楊柳色相送出城西

過泖湖

泖湖有路接天津萬頃銀花小
浪勾安得滿船都是酒船中更載浣紗人

柳花詞二首

欄馬牆西欲暮春花飛不復過
中旬倚天樓開晴光裏爭撲撲
簾不避人

滿院長條散綠陰誰家門戶碧沉沉地衣不許重簾隔雪白花鋪一寸深

訪舊三竺次泐禪師雜興韻

酒館湖船舊有名玉杯時得肆閑情至今人說張員外不是看花不出城

鸚鵡士女圖

美人應自惜年華庭院沈沈鎖暮霞集本云長門幾日斷羊車閑得工夫坐日斜只有舊時鸚鵡見春衫曾似石榴花

臨安訪古九首

石鏡

臨安山中古石鏡曾照錢王冕服來天遣紫苔封裏後等閑不許別人來
婆留井錢王初生時將棄井中婆奮留之故乳名婆留既貴以

錢代留字

舊日婆留井未堙石闌苔蘚上龍文而今率土俱臣妾莫願皇天產異人

功臣塢

峯頭石塢表功臣五百年前是佛身莫問蓬萊水清淺野藤猶蔓劫餘春

錦溪

錢王功業與天齊
百里旌旗照此溪
從自波中鋪錦後
至今光景淨無泥

化成寺錢王第十九子出家爲僧賜號普照大師

王子能以身施佛
何異生居淨梵宮
敝屣視他閑富貴
男兒到此是英雄

衣錦山今縣治主山是王故居卽九龍堂

還鄉滿山都覆錦
富貴應須白晝歸
設宴九龍堂上日
沛中歌後似王稀

將軍樹王平時率羣隊在戲此樹還鄉以錦幪之號錦樹將軍

將軍官重執金吾
不比秦朝列大夫
王爲錦衣歸故里
遂令老樹有稱呼

環翠閣今爲寺謝安遊處

東山尚存環翠閣
謝傳遊來經幾年
可是舊曾携妓到
粉香猶在畫闌邊

淨土寺東坡作杭倅行部過於潛回

祥符額賜海會寺
四百年來彈指過
試問竹林橋下路
往還曾見幾東坡

題吳絲蠻寫韻圖

小點紅鸞欲下遲
遠山渾似畫來看
如何一念人間事
上界仙曹便得知

集外詩三首

寄王梧溪

仙舟曾記過南堂。鳴鳥高梧日正長。胡蝶重來春夢覺，牡丹欲盡燕泥忙。
當時賓客知何往，此日音書或漫忘。猶有白頭王粲在，獨將詞賦動江鄉。

春日

一陣東風一陣寒。芭蕉長過石闌干。只消幾箇鶯鶯醉，看得春光到牡丹。
瞿宗吉云：此詩刺淮張用事諸人也。

白頭翁

疎蔓短於蓬。早棲怯晚風。祇緣頭白早，無處入芳叢。

列朝詩集

甲集前編卷第七終

列朝詩集

甲集前編第七

張員外昱 二首

題青山白雲

一箇蒹蘆何處小橋古木溪灣但見山青雲白不知天上人間

題揚州史左丞扇

后土祠前路金鞍憶舊遊春風雙燕子渾似在揚州